



Visoki predstavnik i specijalni predstavnik EU govorio na Konferenciji ministara obrazovanja u BiH

Visoki predstavnik i specijalni predstavnik EU, Miroslav Lajčák, danas je učestvovao na prvom sastanku novouspostavljene Konferencije ministara obrazovanja u BiH. Konferencija je uspostavljena Memorandumom o razumijevanju 24. januara 2008. godine potpisom trojice premijera: Nikole Špirića, Milorada Dodika i Nedžada Brankovića te gradonačelnika Brčko Distrikta Mirsada Đape.

“Nadam se da će ova konferencija funkcionišati kao efikasan mehanizam za usklađivanje i koordinaciju procesa reforme obrazovanja na državnoj razini i donositi zajedničke prioritete, strategije i politike obrazovanja”, rekao je visoki predstavnik i specijalni predstavnik EU Lajčák .

Dva su važna pitanja za koja visoki predstavnik i specijalni predstavnik EU smatra da bi trebali bili prioritet rada Konferencije. Prvo, zaustaviti praksu diskriminacije u školama koja je prisutna bilo kroz formu “dvije škole pod jednim krovom” ili putem prikrivene asimilacije koja je još uvijek prisutna u BiH. Drugi prioritet je uvođenje evropske dimenzije i sadržaja u škole i univerzitete čime bi se učenicima i studentima omogućilo da o Evropskoj uniji što više nauče u redovnoj nastavi.

“Kada na državnoj razini počnu sa radom Agencija za visoko obrazovanje i Agencija za predškolsko, osnovno i srednje obrazovanje, a Zakon o srednjem stručnom obrazovanju i obuci bude konačno usvojen, BiH će napokon imati pravni i institucionalni okvir za provedbu reforme obrazovanja, usklađen sa zahtjevima evropskog partnerstva i modernim evropskim standardima. Puna harmonizacija i provedba zakona iz oblasti obrazovanja je sljedeći korak, koji će iziskivati više napora i vremena od usvajanja zakona”, istakao je u svom govoru Visoki predstavnik i specijalni predstavnik EU Miroslav Lajčák.